

ՆԱՅԱՍՏԱՆԻ ԱԶԳԱՅԻՆ ԱՐԽԻՎԻ ՊԱՏՄԱՇՈՒՆՉ ՆԱՐԿԻՑ ՆԵՐՍ

Գևորգյան Ղոզևոր Ճեմարանի 130-ամյակի հոբելյանական հանդիսությունների շրջանում, դեկտեմբերի 3-ին, Նայաստանի Ազգային Արխիվում բացվեց «Գևորգյան Ճեմարան» արխիվային ֆոնդի ցուցադրությունը, որը Նայաստանի Ազգային Արխիվի և Մայր Աթոռի Արխիվի համագործակցության երախայրիքն էր:

Բացման խոսքով հանդես եկավ Գևորգյան Ղոզևոր Ճեմարանի տեսուչ Արժանապարհիվ Տ. Եղիշե ավագ քահանա Սարգսյանը, ով Նայաստանի Ազգային Արխիվի տնօրինությանն ու աշխատակիցներին փոխանցելով Նորին Սրբություն Տ. Տ. Գարեգին Բ Ամենայն Նայոց Սրբազնագույն Կաթողիկոսի օրհնությունն ու բարձր գնահատանքը՝ անդրադարձավ Գևորգյան Ճեմարանի անցած ուղուն, նշանավոր ճեմարանականների գործունեությանը, ինչպես նաև այսօր Ճեմարանում կատարվող բարեփոխումներին և մերօրյա ճեմարանականներից՝ հավաքավոր հայ ժողովրդի ու Մայր Եկեղեցու ունեցած ակնկալիքներին: Խոսք ասացին նաև Նայաստանի Ազգային Արխիվի տնօրեն Ամատունի Վիրաբյանը, ցուցադրության բացմանը մասնակից պաշտոնավար այլ անձինք, ինչպես նաև նախկին ճեմարանական, Կոմիտասի անվան պետական կոնսերվատորիայի դասախոս, երգիչ Թովմաս Պողոսյանը: Այնուհետև Նայաստանի Ազգային Արխիվի Փաստաթղթերի օգտագործման, հրատարակման և աշխատանքների կազմակերպման բաժնի վարիչ Մարինե Մարտիրոսյանը ներկայացրեց Ազգային Արխիվում պահպանվող «Գևորգյան Ճեմարան» արխիվային ֆոնդը՝ նշելով, թե երբ և ինչպես է այն բերվել Ազգային Արխիվ, ինչպիսի արխիվային նյութեր են առկա այդ ֆոնդում, անդրադառնալով նաև ցուցադրված նյութերին, որոնք արտացոլում են Գևորգյան Ճեմարանի գործունեությունը՝ 1870-ական թվականներից մինչև մեր օրերը: Ցուցադրված նյութերը եզրափակում էին Գևորգյան Ղոզևոր Ճեմարանի նորօրյա առաքելության վերաբերյալ վավերագրերն ու լուսանկարները:

Ցուցադրության բացմանը մասնակցում էին եկեղեցականներ, Գևորգյան Ճեմարանի և այլ ուսումնական հաստատությանց դասախոսներ, մշակութային գործիչներ, ուսանողներ:

Ներկայացված արխիվային նյութերը դիտելուց հետո Նայաստանի Ազգային Արխիվի հանդիսությանց սրահում տեղի ունեցավ համերգ՝ Գևորգյան Ղոզևոր Ճեմարանի սանուց երգչախմբի և Կոմիտասի անվան պետական կոնսերվատորիայի ուսանողուհի՝ չինուհի Ու Մեյի մասնակցությամբ: Կամերգից առաջ խոսք ասաց Մայր Աթոռի Արխիվի տնօրեն Արժանապարհիվ Տ. Ասողիկ քահանա Կարապետյանը.

«Ամենից առաջ գալիս եևք մեր շնորհակալությունն ու երախարագիրությունն արտահայտելու Նայաստանի Ազգային Արխիվի տնօրինությանն ու աշխատակազմին, որ այսօր, ամենայն սիրով, բաց եք արել այս պատմաշունչ հարկի դռները և, ի նշանավորումն Գևորգյան Ղոզևոր Ճեմարանի 130-ամյա հոբելյանի, կազմակերպել հայոց Ղոզևոր Կամատի արխիվային փաստաթղթերի ու նյութերի ցու-

գաղափարները: Ուրախ ենք նաև հայաստանի Ազգային Արխիվի և Մայր Աթոռի Արխիվի համագործակցության այս երախտարիքի համար:

Չրավի, ազգային-եկեղեցական մեր կյանքում նվիրական հասարակություն է Գևորգյան հոգևոր ճեմարանը, քանի որ այս դարբնոցից են դուրս գալիս հայ իրականությունում հարծո կենաց խոսքը քարոզող նվիրյալ եկեղեցականները: Զրիարոս հարծո խոսքը, որ ուղղված էր Իր առաքյալներին՝ «ով ձե՛զ է ընդունում, Ինձ է ընդունում» (Մատթ. Ժ 40), սերտորեն աղերսված է Առաքելական մեր Սուրբ Եկեղեցու հիմնավորոց այս կրթօջախի հետ: Այո, քանի որ եթե հավատարմոր հայն ընդունում է իր հոգին սնուցանող ու խնամող հայ հոգևորականին, ապա նա նաև ընդունում է նրան իբրև «հոգու մարդ» կերտած հասարակությանը, որ օրինյալ է քրիստոնեական ուղղափառ հավատքի դավանությամբ և մեր սուրբ հարց ավանդույթներով: Հասարակություն, որ ամեն մի ձեմարանականի կյանքում Մեծ Հարդապետի՝ մեր Տեր Չրոս Զրիարոսի սուրբ առաքելությունն է իրականացնում. զինում է հավատագործության հոգևոր սպառազինությամբ և ի հայս առաքելության կոչում: Ներևաբար, ինչպես մեր Տիրոջ երկրավոր կյանքի ու Նրա Սուրբ Եկեղեցու պարմության իմացումն ու ճանաչումը չարիազանց էական է յուրաքանչյուրիս համար, այնպես և, կարծում ենք, հոգեմարմոր նկարագիր կերտող այդ սուրբ հարկի՝ Գևորգյան հոգևոր ճեմարանի պարմական ընթացքի մասին քաջարեղակությունը կարի անհրաժեշտ է, որպեսզի իրապես ճանաչելով նրան՝ ի գորոս լինենք ճանաչելու նրանից ճառագող և հայոց կյանքում լույս ափող հայ եկեղեցականներին՝ մերազնյա ամենավավերական բարի և քաջ հովիվներին:

հոգևոր այդ կանառի մասին քաջիմացությունը, մանավանդ, կարևորվում է հայ իրականության մեջ գոյություն ունեցող մյուս բարձրագույն ուսումնական հասարակությունների համար, որոնք իրականում ոչ այլ ինչ են, եթե ոչ հայոց կրթական հասարակությանց մայր պանծալի Գևորգյան հոգևոր ճեմարանի հարագար գավակները: Առաքելության քաջիմացություն, որպեսզի մերօրյա ԲՈՒԿերը ոչ միայն գիրելիքներ ու գիրություն ավանդեն, այլ իրենց նվիրական գրկում ուսանող երիտասարդներին Մայր Եկեղեցու սուրբ հավատքով սնուցանելու բարեպարեհություն ընձեռեն. «...ճանաչենք Զրիարոսի սերը, որ գերազանց է, քան ամեն գիրություն, որպեսզի լցվենք հարծո լրիվ ամբողջությամբ», - պարզամում է Սուրբ Պողոս առաքյալը (Եփես. Գ 19):

Ահավասիկ, հարգարժան ներկաներ, այս առումով, ինչպես ամեն մի ժողովրդի, կառույցի ու հասարակության, սույնպես և Գևորգյան հոգևոր ճեմարանի պարմության լիարժեք իմացման համար մեծ կարևորություն ունի այդ կրթօջախի ծառայությամբ գոյացած ամեն մի վավերագիր: Ներևապես, հարկ է միշտ հիշել այն ճշմարտությունը, որ անցյալից մեզ փոխանցված գեթ մեկ պարատիկը՝ սուրբ մասունք է, փոքրիկ ճրագ, որը լուսավորում է տվյալ պարմության մեծածավալ կրավի թեև փոքրագույն, բայց գրեթե միշտ արժեքավոր մանրամասնություններ բացահայտող մի կրորը: Ահա թե ինչու անգին արժեք է Գևորգյան հոգևոր ճեմարանը:

րանի արխիվային հավաքածուն, որ այլևս մի քանի տասնյակ տարի խնամքով պահպանվում է Նայասարանի Ազգային Արխիվում և այսօր, ի դեմս մի քանի վավերագրերի, հանվել է ի տես մեզ ամենեցուս: Լիստոյս եւք, որ առաջիկա տարիւն ընթացքում, Նայասարանի Ազգային Արխիվի հետ համատեղ, լույս կընծայենք Գևորգյան Նոգևոր Ճեմարանի արխիվային վավերագրերն ու նյութերը՝ համատրելով Նայոց Եկեղեցու վավերագրերի հարտրաշարքը: Առաջ Աւարված:

Այս մտածումներով կրկին մեր շնորհակալությունն ենք հայտնում Ազգային Արխիվի տնօրինությանը՝ այս ցուցադրության համար: Մեծախոյս ենք, որ բոլոր այցելուները թե՛ այսօր և թե՛ ցուցադրության առաջիկա օրերին այս սրահից դուրս են գալու ազնիվ հպարտությամբ և գորեպնդված, քանզի Տիրոջ ողորմությամբ Մայր Աթոռ Սուրբ Էջմիածնի հոգևոր կրթօջախը նույն նվիրումով և նույն նահանգախնդրությամբ հայոց կյանքում շարունակում է կյանքի կոչել իր բացառիկ առաքելությունը՝ ի փառս Աստծո, ի լուսավորություն և ի փրկություն հավաքավոր հայ ժողովրդի»:

Այնուհետև Մայր Աթոռ Սուրբ Էջմիածնի միաբան, Գևորգյան Նոգևոր Ճեմարանի դասախոս Նոգևորի Տ. Վարդան աբեղա Նավասարդյանի խմբավարությամբ ճեմարանականները կատարեցին հոգևոր երգեր: Ճեմարանական երգչախմբի կատարմամբ հնչեց նաև Արժանապարհիվ Տ. Թովմա քահանա Անդրեասյանի հեղինակած «Ձոնը», որն ընծայել էր Գևորգյան Նոգևոր Ճեմարանի 130-ամյա հոբելյանին: Ճեմարանի սանուց հոգեզմայլ երգեցողությունից հետո հանդես եկավ չինուի երգչուհին՝ բարձրարվեստ կատարելով Կոմիտաս Վարդապետի, Արմեն Տիգրանյանի և Բարսեղ Կանաչյանի երաժշտական սրելոձագործություններից:

Համերգային այս ծրագրով էլ եզրափակվեց «Գևորգյան Ճեմարան» արխիվային ֆոնդի ցուցադրության բացմանը նվիրված արարողությունը:

ՄԱՅՐ ԱԹՈՐԻ ԱՐՄԵՎԱՅԻՆ ԲԱԺԻՆ